



SMJERNICE ZA APLIKANTE – ROMSKE NEVLADINE ORGANIZACIJE U BOSNI I HERCEGOVINI

1. Opći cilj Javnog poziva romskim nevladinim organizacijama i finansijska sredstva

Opći cilj Javnog poziva romskim nevladinim organizacijama u Bosni i Hercegovini jeste animiranje Roma da se u što većem broju na predstojećem popisu stanovništva izjasne kao pripadnici romske nacionalne manjine.

U tom cilju romske nevladine organizacije mogu aplicirati u dva pravca:

- a) grant sredstava romskim nevladinim organizacijama u iznosu od 50.000 KM i
- b) sredstava u iznosu od 25.000 KM namjenjenih za podršku u radu Odbora za Rome pri Vijeću ministara BiH.

Financijska podrška će se utvrđivati prema predloženim programima romskih nevladinih organizacija, vodeći računa o razgranatosti romskih nevladinih organizacija, članica na lokalnom nivou, i dužini kontinuiranog djelovanja.

a) Grant sredstva romskim nevladinim organizacijama

U cilju animiranja Roma da se u što većem broju na predstojećem popisu stanovništva izjasne kao pripadnici romske nacionalne manjine, te time pridonesu naporima države na rješavanju problema Roma u Bosni i Hercegovini, sva grant sredstva biće usmjerena na projekte čiji su ciljevi, aktivnosti i rezultati usmjereni ka dostizanju Općeg cilja Javnog poziva.

b) Sredstava namjenjena za podršku u radu Odbora za Rome pri Vijeću ministara BiH

U skladu sa općim ciljem, sredstva namjenjena podršci rada Odbora za Rome pri Vijeću ministara BiH biće dodijeljena onom aplikantu koji će omogućiti finansiranje najmanje 4 (četiri) sastanka Odbora za Rome pri Vijeću ministara BiH.

Aktivnosti Odbora za Rome pri Vijeću ministara BiH biće usklađene sa potrebom koju definira Opći cilj Javnog poziva.

Jedna romska nevladina organizacija može aplicirati samo na jedan od navedenih pravaca.

2. Ko može aplicirati?

Učešće u Javnom pozivu je otvoreno, na jednakim osnovama, za sve formalno registrirane romske nevladine organizacije, u skladu sa važećim zakonskim propisima u Bosni i Hercegovini.

Da bi se prijavili na javni poziv aplikanti moraju biti pravno lice neprofitabilnog karaktera registrirano u BiH u skladu sa važećim zakonskim propisima (udruženje/udruga ili fondacija).

3. Partnerstvo

Aplikanti mogu aplicirati samostalno ili u partnerstvu sa drugim romskim nevladinim organizacijama. Partneri aplikanta učestvuju u kreiranju i implementaciji projekta, a troškovi koje oni naprave, potpadaju pod ista pravila kao i oni koje napravi sam aplikant, što znači da partnerske organizacije moraju zadovoljiti iste uslove podobnosti kao i aplikant.

Ako aplicira u partnerstvu, "Aplikant," će biti vodeća organizacija, a ako bude izabran, kao ugovorna strana ("Korisnik"), snositi će u potpunosti pravne i finansijske odgovornosti za izvršenje projekta.

4. Trajanje i lokacija projekta

Projekt može trajati u periodu od 3 do 9 mjeseci.

Projekt se mora implementirati u Bosni i Hercegovini.

5. Gdje i kako preuzeti i poslati aplikaciju?

Prijave se podnose isključivo na obrascu prijave koji se može naći na www.mhrr.gov.ba ili preuzimanjem obrasca putem e-mail adrese irena.penc@mhrr.gov.ba uz koju se nalaze Smjernice za izradu projektnog prijedloga.

Rok za podnošenje aplikacije je 30 dana od dana objavljivanja Javnog poziva. Nepotpune i neblagovremene prijave neće se razmatrati.

Prijave se podnose predajom na pisarnici Ministarstva za ljudska prava i izbjeglice BiH ili poštom na adresu:

Ministarstva za ljudska prava i izbjeglice Bosne i Hercegovine
Trg Bosne i Hercegovine 3
71000 Sarajevo

sa naznakom: „ za Javni poziv romskim nevladinim organizacijama“.

6. Kriteriji za evaluaciju i odabir projekata

Programi romskih nevladinih organizacija i dalje će se ocjenjivati prema dosadašnjim ukupnim rezultatima, kvalificiranosti nositelja programa, stvorenim pretpostavkama za realizaciju programa i značenju programa za pripadnike Roma/Romkinja na području Bosne i Hercegovine.

Prilikom ocjene predloženih programa vodit će se računa o kvalitetu predloženog programa i njegovoj efektivnosti u odnosu na postavljeni cilj.

Prednost će imati romske nevladine organizacije koje su kroz duže vrijeme ostvarivale značajne rezultate u očuvanju etničkog i kulturnog identiteta, koje su poticale pripadnike svoje nacionalne manjine na tolerantno i usklađeno djelovanje unutar svoje romske zajednice i vodile računa o ukupnoj racionalizaciji i štednji.

Aplikacije će biti razmotrene i procijenjene od strane evaluacione komisije koju će činiti pet članova Odbora za Rome pri Vijeću ministara BiH i jedan predstavnik Ministarstva za ljudska prava i izbjeglice BiH. Sve aktivnosti koje aplikant navede biće procijenjene prema slijedećim kriterijima:

- (1) Ispunjenje administrativnih uslova
 - Potvrda da je aplikacija kompletno popunjena u skladu sa listom za provjeru;
 - Potvrda da je dokumentacija uredno dostavljena
 - Potvrda da je aplikacija došla u odgovarajućem vremenskom roku.
- (2) Ispunjenje uslova koji se tiču aplikanta, partnera i aktivnosti
 - Potvrda da aplikant i partneri (ako postoje), kao i aktivnosti, ispunjavaju uslove navedene u Javnom pozivu.
- (3) Procjena kvaliteta projekta i finansijska evaluacija

Procjena kvaliteta projekta, uključujući i predloženi budžet, biće izvršena u skladu sa kriterijima utvrđenim u tabeli za evaluaciju koja je sastavni dio ovog dokumenta.

Cilj kriterija za procjenu kvaliteta projekta je da se kvalitet predatih projekata procijeni na osnovu postavljenih prioritetnih oblasti, a sredstva odobre po osnovu aktivnosti koje maksimiziraju opšti efekat samog poziva za predaju prijedloga projekata. Kriteriji se odnose na značaj predloženog projekta, usaglašenost projekta sa ciljem Javnog poziva, kvalitet projekta, predložene aktivnosti, očekivane rezultate, održivost projekta i racionalnost traženih sredstava.

Sistem bodovanja

Bodovanje se vrši na način da se svaka stavka u tabeli za evaluaciju ocjenama između 1 i 5 na sljedeći način: 1 = veoma loše; 2 = loše; 3 = odgovarajuće; 4 = dobro; 5 = veoma dobro.

Svaki član komisije potpisuje svoju individualnu evaluacionu tabelu, a svi članovi zajedno potpisuju zbirnu evaluacionu tabelu za svaki projektni prijedlog.

Rangiranje projektnih prijedloga se vrši na način da je prvoplasirani projektni prijedlog onaj koji ima najveći zbir bodova te slijedi projekat sa prvim slijedećim nižim zbirom bodova i tako do najnižeg zbira osvojenih bodova.

Tabela za evaluaciju

	Maksimalan broj bodova	Prosječna ocjena
1. Finansijski i operativni kapacitet	10	
1.1 Da li aplikant i partneri imaju dovoljno iskustvo u upravljanju projektima?	5	
1.2 Da li aplikant i partneri imaju vlastita sredstva koja će iskoristiti u implementaciji projekta?	5	
2. Relevantnost	10	
2.1. Da li su ciljevi, aktivnosti i očekivani rezultati usklađeni prema zahtjevu Javnog poziva?	5	
2.2 Da li su potrebe ciljne grupe i krajnjih korisnika jasno definisane i da li im projekt prilazi na pravi način?	5	
3. Metodologija	20	
3.1 Koliko je konzistentan cjelokupan dizajn projekta?	5	
3.2 Da li je nivo uključenosti i angažovanje partnera u realizaciji projekta zadovoljavajući? Napomena: ukoliko nema partnera, ocjena će biti 1	5	
3.3 Da li projekt sadrži objektivno mjerljive indikatore rezultata aktivnosti?	5	
3.4 Da li su plan aktivnosti i predložene aktivnosti odgovarajuće, praktične i dosljedne ciljevima i očekivanim rezultatima?	5	
4. Održivost	15	
4.1 Da li će aktivnosti predviđene projektom imati konkretan uticaj na ciljne grupe?	5	
4.2 Da li su očekivani rezultati predloženih aktivnosti održivi?	5	
4.3 Da li je vjerovatno da će očekivani rezultati imati utjecaja na lokalne romske zajednice i/ili kvalitet života u ciljnim područjima?	5	
5. Budžet i racionalnost troškova	15	
5.1 Da li je odnos između procijenjenih troškova i očekivanih rezultata zadovoljavajući?	5	
5.2 Da li su predloženi troškovi neophodni za implementaciju projekta?	5	
5.3 Budžet - da li je budžet jasan i da li uključuje i narativni dio? - gdje je primjenjivo, da li su priložene biografije i opisi radnih mjesta?	5	
Maksimalni ukupni zbir	70	

Obavještenje o odluci

Svi aplikanti koji su predali prijedloge projekata, koji su prihvaćeni ili odbijeni, biće u pisanoj formi obavješteni o odluci u vezi sa njihovim prijedlogom projekta.

Zaključna napomena

Romske nevladine organizacije kojima je odobren projekat dužni su vratiti akontirana sredstva za programe koji nisu ostvareni, a u slučaju da se sredstva ne vrate, obustavlja se daljnje financiranje te romske nevladine organizacije. Prednost će imati društva, udruženja ili ustanove koji za isti projekat i program ulože i vlastita kao i druga donatorska sredstva u kontinuitetu a radi održivosti ponuđenog, kvalitetnog programa.